

ए॒तानि॒ वा॒व ता॒नि ज्यो॒तीः॑षि । य ए॒तस्य॒ स्तो॒माः ।  
सो॒ऽब्रवी॑त् । स॒प्तद॒शेन॑ ह्रि॒यमा॑णो॒व्यले॑शिषि । भि॒ष-  
ज्य॑तमेति । तद॒श्विनौ॑ धा॒नाभि॑रभिषज्यतां । पू॒षा क॑-  
र॒म्भेण॑ । भा॒रती॑ परि॒वापे॑ण । मि॒त्रावरु॑णौ पय॒स्यया॑ ।  
तदा॑हुः ॥ २ ॥

यद॒श्विभ्या॑न्धा॒नाः । पू॒षाः क॑र॒म्भः । भा॒रत्यै॑ परि॒-  
वा॒पः । मि॒त्रावरु॑णयोः पय॒स्याथ॑ । कस्मा॑दे॒तेषाः॑ ह॒वि-  
षा॒मिन्द्र॑मे॒व यज॑न्तीति । ए॒ताह्ये॑नं दे॒वता॑इति ब्रूयात् ।  
ए॒तैर्ह॒विर्भि॑रभिषज्य॒स्तस्मा॑दिति । तं वस॑वोऽष्टाक॑पा-  
लेन प्रातःसव॑नेऽभिषज्यन् । रु॒द्राएका॑दशकपालेन मा-  
ध्य॑न्दिने सव॑ने । वि॒श्वे दे॒वा द्वाद॑शकपालेन तृतीयस-  
व॑ने ॥ ३ ॥

स यद॒ष्टाक॑पालान् प्रातःसव॑ने कुर्यात् । एका॑दश-  
कपालान्माध्य॑न्दिने सव॑ने । द्वाद॑शकपालाः॒स्तृतीय॑-  
सव॑ने । विलो॑म तद्यज्ञस्य क्रियेत । एका॑दशकपालाने॒व  
प्रातःसव॑ने कुर्यात् । एका॑दशकपालान्माध्य॑न्दिने स-  
व॑ने । एका॑दशकपालाः॒स्तृतीय॑सव॑ने । य॒ज्ञस्य॑ सलो॒म-  
त्वाय॑ । तदा॑हुः । यद्वसू॑नां प्रातःसव॑नं ॥ रु॒द्राणां॑ मा-  
ध्य॑न्दिनः॒ सव॑नं । वि॒श्वेषां॑ दे॒वानां॑ तृतीयसव॑नं । अथ॒